




05-01/15.03/24
05-03/15.03.24

Broj: 01-30-4553-1/24

Zenica, 15.03.2024. godine

SKUPŠTINA
ZENIČKO - DOBOJSKOG KANTONA
n/r predsjedavajućeg



PREDMET: Prijedlog Odluke o imenovanju tri člana Nezavisnog odbora
- dostavlja se

Na osnovu člana 33., a u vezi sa članom 152. stav 1. Poslovnika Skupštine Zeničko-dobojskog kantona-Četvrti prečišćeni tekst („Službene novine Zeničko-dobojskog kantona“, broj: 5/24), u prilogu ovog dopisa, dostavljamo Vam **Prijedlog Odluke o imenovanju tri člana Nezavisnog odbora** koji je na svojoj 29. sjednici održanoj dana 15.03.2024. godine utvrdila Komisija za izbor i imenovanja Skupštine.

S poštovanjem,

PRILOZI:

- Prijedlog Odluke o imenovanju tri člana Nezavisnog odbora,
- Popunjen obrazac Izjave o fiskalnoj procjeni (Obrazac IFP NE)

PREDSJEDAVALAČI

Alen Kapković

DOSTAVLJENO:

- 1x Naslovu,
- 1x U spis predmeta **29. sjednice Komisije/04-02**



PRIJEDLOG

Na osnovu člana 24. stav (2), a u vezi sa članom 32. stav (2) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), Skupština Zeničko-dobojskog kantona na __ sjednici održanoj dana __ 2024. godine, donosi:

ODLUKU o imenovanju tri člana Nezavisnog odbora

Član 1. (Imenovanje tri člana Nezavisnog odbora)

Imenuju se tri člana Nezavisnog odbora, i to:

- 1. Brkić Kemal**
- 2. Durmić Faruk**
- 3. Hadžić Sehadet**

Član 2. (Mandat tri člana Nezavisnog odbora)

Imenovanje iz prethodnog člana ove Odluke vrši se do isteka mandata postojećeg Nezavisnog odbora, koji traje do 28.06.2027. godine.

Član 3. (Stupanje na snagu i objavljivanje)

Odluka stupa na snagu danom donošenja i ista će se objaviti u „Službenim novinama Zeničko-dobojskog kantona“.

Broj: 01-_____/24
Zenica, dana ____ 2024. godine

PREDSJEDAVAJUĆI

Čazim Huskić

OBRAZLOŽENJE

I – PRAVNI OSNOV

Pravni osnov za donošenje Odluke sadržan je u članu 24. stav (2) i članu 32. stav (2) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23), kojima je propisano: „*Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Nezavisni odbor.*“ - član 24. stav (2)
„*U slučaju prestanka mandata usljed razrješenja ili smrti člana Nezavisnog odbora mandat novog člana koji je imenovan u skladu sa propisanim uslovima iz člana 26. ovog zakona traje do isteka mandata Nezavisnog odbora iz člana 28. stav (1) ovog zakona.*“ - 32. stav (2).

II – RAZLOZI ZA DONOŠENJE

Razlog za donošenje Odluke o imenovanju tri člana Nezavisnog odbora je činjenica da su tri člana aktuelnog saziva Nezavisnog odbora razriješena Odlukom o razrješenju tri člana Nezavisnog odbora broj: 01-30-1940/24 od 30.01.2024. godine, koju je Skupština Zeničko-dobojskog kantona donijela na svojoj 21. sjednici održanoj dana 30.01.2024. godine, a koja odluka je objavljena u „Službenim novinama Zeničko-dobojskog kantona“, broj: 3/24.

Imajući u vidu da bi donošenjem Odluke o razrješenju tri člana Nezavisnog odbora bio blokiran rad Nezavisnog odbora, koji nakon toga ne bi mogao uopšte zasjedati jer bi u sastavu istog ostala samo četiri člana, a odredbom člana 31. stav (4) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20, 10/21 i 8/23) je propisano da „*Nezavisni odbor može zasjedati ukoliko je prisutno pet od sedam članova*“, a u cilju obezbjeđivanja neophodnih uslova u cilju nastavka kontinuiranog rada Nezavisnog odbora, na prijedlog Komisije za izbor i imenovanja, Skupština Zeničko-dobojskog kantona je na pomenutoj sjednici donijela i Odluku o imenovanju na kraći period tri člana Nezavisnog odbora, broj: 01-30-1939/24 od 30.01.2024. godine.

Navedenom Odlukom su imenovana nedostajuća tri člana Nezavisnog odbora na kraći period, na najviše 3 (tri) mjeseca, za što postoji pravni osnov u odredbi člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), a radi se o imenovanju lica koja je predložila Komisija za izbor i imenovanja, nakon što je prethodno utvrdila, (uvidom u relevantnu dokumentaciju), da isti ispunjavaju sve zakonom propisane uslove za člana Nezavisnog odbora, te da nisu u sukobu interesa, čime su stvoreni uslovi za nastavak rada Nezavisnog odbora do okončanja procedure Javnog konkursa za imenovanje tri člana Nezavisnog odbora.

Komisija za izbor i imenovanja je objavila Javni konkurs za imenovanje tri člana Nezavisnog odbora u „Službenim novinama Zeničko-dobojskog kantona“, broj: 3/24 od 14.02.2024. godine, u dnevnim listovima „Dnevni avaz“ i „Oslobođenje“, dana 05.02.2024. godine, kao dva dnevna lista koja se distribuiraju na cijeloj teritoriji Bosne i Hercegovine, te je isti bio postavljen i na web stranici Zeničko-dobojskog kantona, a čiji će mandat trajati do isteka mandata postojećeg Nezavisnog odbora, koji traje do 28.06.2027. godine.

Nakon isteka roka za prijavu u trajanju od 15 dana od dana zadnjeg objavljivanja konkursa, koji rok je istekao zaključno sa 29.02.2024. godine i nakon sprovođenja propisane procedure, na 29. sjednici Komisije za izbor i imenovanja održanoj dana 15.03.2024. godine, obavljen je intervju sa kandidatima za tri člana Nezavisnog odbora sa Liste s užim izborom najboljih kandidata koji ispunjavaju kriterije za imenovanje (kandidata koji ispunjavaju sve uslove Javnog konkursa za imenovanje tri člana Nezavisnog odbora), po abecednom redu kandidata, i to sa slijedećim kandidatima: Brkić Kemalom, Durmić Farukom, Hadžić Sehadetom, Redžić Almirom i Spahić Taibom.

Nakon obavljenog intervjua i sumiranja dobijenih bodova od strane svakog člana Komisije, (što se utvrđuje na način da broj bodova koje je kandidat dobio na intervjuu, predstavlja zbir bodova datih od strane svakog člana Komisije, podijeljen sa brojem prisutnih članova Komisije), **kandidati liste sa užim izborom su ostvarili sljedeći broj bodova:**

- **Brkić Kemal, diplomirani politolog, magistar političkih nauka, dr. političkih nauka- 25 bodova**
- **Durmić Faruk, diplomirani ekonomist- 24,8 bodova**
- **Hadžić Sehadet, diplomirani pravnik- 24,6 bodova**
- **Redžić Almir, diplomirani pravnik- 21 bod**
- **Spahić Taib, dipl. metalurški inženjer, doktor nauka odbrane i sigurnosti- 22,20 bodova**

Nakon utvrđivanja kandidata koji su ostvarili najveći broj bodova, (što se utvrđuje na način da broj bodova koje je kandidat dobio na intervjuu, predstavlja zbir bodova datih od strane svakog člana Komisije, podijeljen sa brojem prisutnih članova Komisije), Komisija je utvrdila rang listu sa najboljim kandidatima, shodno kojoj je utvrdila Prijedlog Odluke o imenovanju tri člana Nezavisnog odbora, **koji su u istoj svrstani kako slijedi:**

1. **Brkić Kemal, diplomirani politolog, magistar političkih nauka, dr. političkih nauka, - 25 bodova**
2. **Durmić Faruk, diplomirani ekonomist- 24,8 bodova**
3. **Hadžić Sehadet, diplomirani pravnik- 24,6 bodova**

te je Prijedlog Odluke uputila u skupštinsku proceduru i preporučuje Skupštini Zeničko-dobojskog kantona donošenje iste u predloženom tekstu.

III – OBJAŠNJENJE PREDLOŽENIH RJEŠENJA

Članom 1. vrši se imenovanje tri člana Nezavisnog odbora.

Članom 2. utvrđuje se trajanje mandata na koji se imenuju tri člana Nezavisnog odbora.

Članom 3. je propisano stupanje na snagu Odluke, kao i njeno objavljivanje u službenom glasilu i to samo u „Službenim novinama Zeničko-dobojskog kantona“, shodno odredbi člana 13. Zakona o ministarskim, vladinim i drugim imenovanjima Federacije Bosne i Hercegovine, po kojem se sva konačna imenovanja treba odmah da objave u „Službenim novinama Zeničko-dobojskog kantona“ ili službenim novinama kantona, grada ili općine.

IV – FINANSIJSKA SREDSTVA

Za provođenje ove Odluke nisu potrebna dodatna finansijska sredstva, osim ranije planiranih.

KOMISIJA ZA IZBOR I IMENOVANJA

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa						
KOD	NAZIV					
10010001	SKUPŠTINA KANTONA					
B 2. Osnovni podaci o prijedlogu propisa						
Vrsta propisa/akta	Zakon	NE	Odluka	DA	Strategija	NE
Naziv propisa/akta	Uredba	NE	Drugi akti	NE	Drugi akti planiranja	NE
C 3. Izjava o nepostojanju dodatnih fiskalnih efekata predloženog propisa						

Donošenje Odluke o imenovanju tri člana Nezavisnog odbora neće imati fiskalne posljedice na Budžet za 2024. godinu u smislu obezbjeđivanja dodatnih budžetskih sredstava.

D 4. Pečat i potpis odgovornog lica obradivača, odnosno predlagача propisa	Mjesto i datum
---	-----------------------

Alen Kapković, predsjedavajući Komisije za izbor i imenovanja

Zenica, dana 15.03.2024. godine

